

"মিষ্টি বাচ্চারা -- এখন তোমাদের এই শরীরকে ভুলে অনাসক্ত, কর্মভীত হয়ে ঘরে ফিরে যেতে হবে, তাই কোনো বিকর্ম নয়, সুকর্ম করো"

প্রশ্ন :-- নিজের অবস্থাকে পরীক্ষা করার জন্য কোন্ তিনজনের মহিমাকে সর্বদা স্মরণে রাখবে ?

উত্তর :-- ১ ) নিরাকারের মহিমা ২ ) দেবতাদের মহিমা ৩ ) নিজের মহিমা । এখন তোমরা পরীক্ষা করো যে, নিরাকার বাবার সমান পূজ্য হয়েছে কি, তাঁর সব গুণ ধারণ করেছে কি ! আমাদের আচার আচরণ কি দেবতাদের মতো রাজকীয় ! দেবতাদের যে থাওয়া - দাওয়া, তাদের যে গুণ, তা কি আমাদের আছে ? আত্মাদের যে গুণ, সেইসব গুণকে জেনে তার স্বরূপ হয়েছে কি ?

ওম্ শান্তি । বাচ্চাদের বোঝানো হয়েছে যে, আত্মার নিবাস স্থান টাওয়ার অফ সাইলেন্সে অর্থাৎ শান্তির শিখরে । হিমালয় পাহাড়ের যেমন শিখর থাকে । সেটা তো অনেক উঁচু হয় । তোমরাও উঁচুর থেকেও উঁচুতে থাকো । ওরা পাহাড়ে ওঠার প্র্যাকটিস করে, রেসও করে । পাহাড়ে ওঠাতেও কেউ কেউ হুঁশিয়ার হয় । সবাই উঠতে পারে না । বাচ্চারা, তোমাদের এতে রেস ইত্যাদি করার কোনো প্রয়োজন নেই । আত্মা, যারা পতিত, তাদের পবিত্র হয়ে ওপরে যেতে হবে । একে বলা হয় টাওয়ার অফ সাইলেন্স । আর সে হলো টাওয়ার অফ সাইন্স । অনেক বড় বড় বোম্ব হয় । তারও টাওয়ার হয় । তারা সেখানে ভয়ানক জিনিস রাখে । বিষ দিয়ে বোম্ব তৈরী করে । বাবা বলেন যে, বাচ্চারা তোমাদের ঘরের দিকে উড়তে হবে । ওরা তো ঘরে বসে এই বোম্ব নিষ্ক্ষেপ করে, যা সবকিছু শেষ করে দেয় । তোমাদের তো এখান থেকে উপরে টাওয়ার অফ সাইলেন্সে যেতে হবে । ওখান থেকেই তোমরা এসেছো, আবার ওখানেই ফিরে যাবে যখন তোমরা সত্বোপধান হয়ে যাবে । সত্বোপধান থেকে তোমরা তমোপধান অবস্থায় এসেছো, এরপর আবার তোমাদের সত্বোপধান হতে হবে । যারা সত্বোপধান হওয়ার পুরুষার্থ করে, তারাই আবার অন্যদেরও রাস্তা বলে দেয় । বাচ্চারা, তোমাদের এখন সুকর্ম করতে হবে । তোমরা কোনো বিকর্মই করবে না । বাবা কর্মের গতিও বুঝিয়ে বলেছেন । রাবণ রাজ্যে তোমাদের দুর্গতি হয়েছে । বাবা এখন সুকর্ম শেখাচ্ছেন । পাঁচ বিকার হলো অনেক বড় শত্রু । মোহও হলো বিকর্ম । কোনো বিকারই কম নয় । মোহ থকলেও তোমরা দেহ - অভিমানে আটকে যাও, তাই বাবা কন্যাদের সব বুঝিয়ে বলেন । কন্যা পবিত্রদেরই বলা হয়, মায়েদেরও পবিত্র হতে হবে । তোমরা সকলেই হলে ব্রহ্মাকুমার আর কুমারী । সে যদি বৃদ্ধাও হয়, তবুও তো ব্রহ্মারই সন্তান ।

বাবা বুঝিয়ে বলেন, মিষ্টি - মিষ্টি বাচ্চারা, এখন কুমার - কুমারীদের স্টেজ থেকেও উপরে ওঠো । যেমন শরীরে এলে তারপর বের হয়ে যেতে হবে, পরিশ্রম তো করতেই হবে । যদি উঁচু পদ পেতে চাও তাহলে আর কারোর স্মৃতি যেন না আসে । আমাদের কাছে কি আর আছে । খালি হাতেই তো এসেছি, কিছুই তো নেই । নিজের এই শরীরও নেই । এখন এই শরীরকে ভুলতে হবে । অনাসক্ত, কর্মভীত হয়ে যেতে হবে । তোমরা ট্রাস্টি হও । বাবা বলেন যে, তোমরা ঘোরো, বেড়াও কিন্তু অপ্রয়োজনীয় খরচ করো না । মানুষ অনেক দানও করে । খবরের কাগজে পড়ে যে, অমুকে অনেক দানী । হাসপিটাল, ধর্মশালা ইত্যাদি বানিয়েছে । যে অনেক দান করে, সে গভর্নমেন্ট থেকে টাইটেলও পায় । প্রথমে টাইটেল হয় - "হিজ হোলিনেস, হার হোলিনেস ।" হোলি পবিত্রকে বলা হয় । দেবতারা

যেমন পবিত্র ছিলেন, ঠিক তেমন হতে হবে। তারপর তোমরা অর্ধেক কল্প পবিত্র থাকবে। অনেকেই বলবে, এ কেমন করে হতে পারে। ওখানেও তো সন্তানের জন্ম হয়। তো চট করে বলো যে, ওখানে রাবণ নেই। রাবণের দ্বারাই এই বিকারের দুনিয়া হয়। রাম বাবা এসেই আবার পবিত্র করেন। ওখানে কেউই পতিত হয় না। কেউ কেউ বলে, পবিত্রতার কথা বলাও উচিত নয়। এই শরীর কিভাবে চলবে। মানুষ এও জানে না যে, একসময় পবিত্র দুনিয়া ছিল। এখন এই দুনিয়া অপবিত্র। এই খেলা হলো বেশ্যালয় আর শিবালয়ের, পতিত দুনিয়া আর পবিত্র দুনিয়ার। প্রথমে থাকে সুখ, তারপর দুঃখ। এই কাহিনী হলো, কিভাবে রাজত্ব পাওয়ার আর হারানোর। এ কথা খুব ভালোভাবে বুঝতে হবে। আমরা হেরে গিয়েছিলাম আবার আমাদের জিত পেতে হবে। আমাদের বাহাদুর হওয়া উচিত। নিজের অবস্থাকে তৈরী করার প্রয়োজন। বাড়িঘরে থেকে, সবকিছুর দেখাশোনা করেও অবশ্যই পবিত্র হতে হবে। কোনো অপবিত্র কাজই করবে না। অনেকের মধ্যেই খুব বেশী পরিমাণে মোহ থাকে। নিজের প্রতি নজর দেওয়া উচিত যে, আমরা প্রতিজ্ঞা করেছি, তুমি ছাড়া অন্য কাউকেই ভালোবাসব না, তাহলে অন্যদের কেন ভালোবাসো। যে প্রিয়র থেকেও প্রিয়, তাঁকে স্মরণে আসা উচিত। তখনই অন্য সমস্ত দেহের সম্বন্ধ ভুলে যাবে। সবাইকে দেখে এই কথা মনে করো যে, আমরা এখন স্বর্গে যাচ্ছি। এ সবই হলো কলিযুগী বন্ধন। আমরা দৈবী সম্বন্ধে যাচ্ছি। আর কোনো মানুষের বুদ্ধিতে এমন জ্ঞান নেই। তোমরা যদি বাবার স্মরণে খুব ভালোভাবে থাকো তাহলে তোমাদের খুশীর পারদ চড়তে থাকবে। যতটা সম্ভব বন্ধন কম করতে থাকো। নিজেকে হালকা করে দাও। বন্ধন বৃদ্ধি করার প্রয়োজন নেই। এই রাজ্য লাভ করতে খরচের প্রয়োজন নেই। তোমরা খরচা ছাড়াই বিশ্বের রাজত্ব নাও। ওদের বারুদ, সৈন্য এর উপর কতো খরচ হয়। তোমাদের কিছুই খরচা নেই। তোমরা যা কিছুই বাবাকে দাও, তা দাও না বরঞ্চ তোমরা বাবার থেকে নাও। বাবা তো হলেন গুপ্ত। তিনি শ্রীমত দেন যে, মিউজিয়াম খোলো, হাসপিটাল, ইউনিভার্সিটি খোলো, যার থেকে তোমরা জ্ঞান প্রাপ্ত করতে পারো। যোগের দ্বারা তোমরা সর্বদার জন্য নিরোগী হয়ে যাও। ২১ জন্মের জন্য তোমাদের হেলথ, ওয়েলথ আর তার সঙ্গে হ্যাপিনেস তো আছেই। এক সেকেন্ডে কিভাবে মুক্তি আর জীবনমুক্তি পাবে, সেকথা এখানে এসে বোঝো। দ্বারেই তোমরা বোঝাতে পারো। দ্বারে যেমন ভিক্ষা চাইতে আসে। তোমরাও তেমনই ভিক্ষা দাও, যাতে মানুষ একদম ধনী হয়ে যায়। যে কেউই হোক না কেন, তোমরা জিজ্ঞেস করো, তোমরা কি ভিক্ষা চাও? আমরা তোমাদের এমন ভিক্ষা দেবো যে, জন্ম - জন্মান্তরে তোমরা ভিক্ষা চাওয়ার হাত থেকে উদ্ধার হয়ে যাবে। বেহদের বাবা আর সৃষ্টিচক্রকে জানলে তোমরা এমন হতে পারো।

তোমাদের এই ব্যাজও কামাল করতে পারে। এক সেকেন্ডে বেহদের বর্সা তোমরা এর দ্বারা যে কাউকেই দিতে পারো। তোমাদের সর্ভিস করার প্রয়োজন। বাবা তোমাদের এক সেকেন্ডে বিশ্বের মালিক বানান। এরপর সবকিছুই পুরুষার্থের উপর নির্ভর করে। ছোটো - বড় সবাইকেই বলা হয় যে, তোমরা বাবাকে স্মরণ করো। ট্রেনেও তোমরা ব্যাজের উপর সর্ভিস করতে পারো। ব্যাজ তোমরা সবসময় লাগিয়ে রাখো, এর উপর তোমরা বোঝাতে পারো যে, তোমাদের দুইজন বাবা। দুইজনের থেকেই তোমরা অবিনাশী উত্তরাধিকার পাও। ব্রহ্মার থেকে অবিনাশী উত্তরাধিকার পাওয়া যায় না। তিনি হলেন মাধ্যম। এনার মাধ্যমেই বাবা তোমাদের শেখান আর অবিনাশী উত্তরাধিকার দেন। মানুষকে দেখে বোঝানো উচিত। যাত্রাতেও তো অনেকেই যায়। ওইসব হলো শরীরের যাত্রা। আর এ হলো আত্মিক (রুহানী)। এর দ্বারা তোমরা বিশ্বের মালিক হও। শরীরের যাত্রায় তো মানুষ ধাক্কা খেতে থাকে। তোমাদের সঙ্গে যেন সিঁড়ির চিত্রও থাকে। সর্ভিস করতে থাকলে তোমাদের

ভোজন ইত্যাদিরও কোনো প্রয়োজন থাকবে না। বলা হয়, খুশীর মতো খাবার নেই। ধন না থাকলে তাদের প্রতি মুহূর্তে খিদে পায়। ধনবান রাজাদের যেমন পেট ভরা থাকে। তোমাদের চলন খুবই রাজকীয় হওয়া উচিত। কথাবার্তাও ফার্স্টক্লাস হওয়া উচিত। তোমরা বুঝতে পারো যে, আমরা এখন কি হতে চলেছি। ওখানে থাওয়া - দাওয়া ইত্যাদি খুবই রাজকীয়ভাবে হয়। অসময়ে কেউই খায় না। অনেক রাজকীয়তা আর শান্তির সঙ্গে খায়। তোমাদের এই সমস্ত গুণই শেখা উচিত। নিরাকারের মহিমা, দেবতাদের মহিমা আর নিজের মহিমা, এই তিনকে পর্যবেক্ষণ করো। এখন তোমরা বাবার সমান গুণী তৈরী হচ্ছে এরপর দেবতাদের সমান গুণবান হবে। তাই সেই গুণ এখনই ধারণ করা উচিত। এখন তোমরা দৈবী গুণ ধারণ করছো। এ কথাটি খ্যাত আছে যে - শান্তির সাগর --- প্রেমের সাগর, বাবা যেমন পূজ্য, তেমনি তোমরাও পূজ্য। বাবা তোমাদের নমস্কার করেন। তোমাদের তো ডবল পূজা হয়। এই সব কথা বাবাই বুঝিয়ে বলেন। তোমাদের মহিমাও বোঝানো হয় যে, পুরুষার্থ করো, এমন হও। মন থেকে জিজ্ঞাসা করা উচিত যে, আমরা এমন হয়েছি কি? আমরা যেমন অশরীরী এসেছি তেমনই অশরীরী হয়েই যেতে হবে। শাস্ত্রেও আছে যে, লাঠি ছাড়া। এতে কিন্তু লাঠির কথা নেই। এখানে তো শরীর ত্যাগ করার কথা। বাকি সবকিছুই হলো ভক্তিমার্গের কথা। এখানে কেবল বাবাকেই স্মরণ করতে হবে। বাবা ছাড়া দ্বিতীয় আর কেউই নয়।

বাচ্চারা, তোমরা জ্ঞান পেয়েছ, তোমরা জানো যে, মানুষ কতটা গুরু শৃঙ্খলে আবদ্ধ। গুরু অনেক প্রকারের আছে। এখন তোমাদের না গুরুর প্রয়োজন আর না অন্যকিছু পড়ার। বাবা একটাই মন্ত্র দিয়েছেন --- "একমাত্র আমাকেই স্মরণ করো" ("মামেকম স্মরণ করো")। এই অবিনাশী উত্তরাধিকারকে স্মরণ করো আর দৈবীগুণ ধারণ করো। গৃহস্থ জীবনে থেকে তোমাদের পবিত্র থাকতে হবে। তোমরা এখানে আসো রিফ্রেশ হওয়ার জন্য। এখানে তোমরা বুঝতে পারবে যে, আমরা বাবার সম্মুখে বসে আছি। ওখানে মনে করবে যে, বাবা মধুবনে বসে আছে। আমাদের আত্মা যেমন আসনে আসীন আছে, বাবার আত্মাও এই আসনে আসীন আছে। বাবা কোনো গীতা শাস্ত্র ইত্যাদি হাতে নেন না। এমনও নয় যে তিনি(ব্রহ্মাবাবা) কোনো কিছু কন্ঠস্থ করে শোনাচ্ছেন। সন্ন্যাসীরা তো অমন কন্ঠস্থ করে। ইনি(শিব বাবা) তো হলেন জ্ঞানের সাগর। ইনি ব্রহ্মার দ্বারা সমস্ত রহস্য বুঝিয়ে বলেন। শিববাবা কখনো কি কোনো স্কুলে বা সংসঙ্গে গিয়েছেন? বাবা তো সবকিছুই জানেন। কেউ কেউ বলে, সাইন্স নাকি সবকিছু জানে? বাবা বলেন যে, সাইন্স দিয়ে আমরা কি করবো। মানুষ আমাকে ডাকে যে, তুমি এসে পতিতদের পবিত্র বানাও, এতে সাইন্স কেন শিখবো। মানুষ বলবে, শিববাবা কি অমুক শাস্ত্র পড়েছেন? আরে, তাঁকে তো বলা হয় জ্ঞানের সাগর। ও সব তো হলো ভক্তিমার্গের শাস্ত্র। বিষ্ণুর হাতে শঙ্খ, চক্র, গদা, পদ্ম দিয়ে দিয়েছে। মানুষ এর অর্থ কিছুই বোঝে না। বাস্তবে এই অলংকার ব্রহ্মা আর ব্রাহ্মণদের দেওয়া উচিত। সূক্ষ্ম লোকে(বতনে) তো এই শরীর থাকে না। ব্রহ্মার সাক্ষাত্কারও ঘরে বসে অনেকেরই হয়। কৃষ্ণেরও সাক্ষাত্কার হয়। এর অর্থ হলো, এই ব্রহ্মার কাছে যাও তাহলে কৃষ্ণের সমান হতে পারবে বা কৃষ্ণের বংশে আসতে পারবে। সেটা তো কেবল প্রিন্সের সাক্ষাত্কার হয়। তোমরা যদি খুব ভালো করে পড়, তাহলে এমন হতে পারবে। এই হলো এইম অবজেক্ট। উদাহরণ তো একজনকেই বানানো হবে, তাই না। একে মডেল বলা হয়। তোমরা জানো যে, বাবা এসেছেন সত্যনারায়ণের কথা শোনাতে, নর থেকে নারায়ণ বানাতে। প্রথমে তো অবশ্যই প্রিন্স হবে। শাস্ত্রে দেখানো হয়েছিলো যে, কৃষ্ণ মাখন খেয়েছিলো, বাস্তবে এ হলো বিশ্বের বাদশাহীর গোলক (গ্লোব)। বাকি চাঁদ ইত্যাদি কিভাবে মুখে দেখাবে। বলা হয় যে, দুই বিড়াল নিজেদের মধ্যে লড়াই করছিল, কিন্তু মাঝখান থেকে সৃষ্টির যে মালিক তার মুখে মাখন দেখিয়ে

দিয়েছে। এখন তোমরা নিজেদের দেখো যে, আমরা এমন হয়েছি কি হইনি। এই পড়া হলো রাজপদের জন্য। প্রজা পাঠশালা বলবেই না। এ হলো নর থেকে নারায়ণ হওয়ার পাঠশালা। ঈশ্বরীয় ইউনিভার্সিটি। ভগবান এখানে পড়ান। বাবা বলেছেন যে, লেখো ঈশ্বরীয় বিশ্ববিদ্যালয়, ব্র্যাকেটে লেখো ইউনিভার্সিটি, কিন্তু এই কথা লিখতে তোমরা ভুলে যাও। তোমরা যতই তাদের ব্রহ্মাকুমারীস এর পুস্তক ইত্যাদি দাও না কেন, তারা কিছুই বুঝবে না। সামনে বসে বোঝাতে হয়। অসীমের (বেহদের) বাবার থেকে অসীমের (বেহদের) অবিনাশী

উত্তরাধিকারী পাওয়া যায়। জন্ম - জন্মান্তর তোমরা জাগতিক সীমিত (হদের বর্সা) উত্তরাধিকার নিয়ে এসেছ। তোমরা ব্যাজের উপরেও বোঝাতে পার। কেউ কেউ তোমাদেরকে নিয়ে হাসাহাসিও করতে পারে। তোমরা দু'জন বাবার কথা সেই সময় বলতে পারবে। এমন অনেকেই আছে যারা নিজের বাচ্চাদের বোঝায়। বাচ্চারাও বাবাকে বোঝাতে পারে। স্ত্রী তার পতিকে নিয়ে আসে। কোথাও কোথাও আবার ঝগড়াও করে। এখন তোমরা জানো যে, তোমরা সব আত্মারা হলে সন্তান। তোমরাই অবিনাশী উত্তরাধিকারের অধিকারী। লৌকিক জগতে মেয়েরা বিয়ে করে অন্য বাড়িতে যায়, একে কন্যাদান বলা হয়। অন্যকে তো দিয়ে দেয়, তাই না। এখন তো ওই কাজ তোমরা করবে না। ওখানে স্বর্গেও কন্যারা অন্য গৃহে যায়, কিন্তু তারা পবিত্র থাকে। এ হল পতিত দুনিয়া আর ওই সত্যযুগ হল শিবালয়, পবিত্র দুনিয়া। বাচ্চারা, তোমাদের উপর এখন বৃহস্পতির দশা। তোমরা স্বর্গে তো অবশ্যই যাবে, এ তো সম্পূর্ণ পাকা। বাকি পুরুষার্থ করে উঁচু পদ পেতে হবে। নিজের মনকে জিঞ্জিষ করো, আমরা অমুকের মতো সার্ভিস করি তো? এমন নয় যে ব্রাহ্মণী (টিচার) চাই। নিজেই টিচার হও। আচ্ছা!

বাচ্চাদের পুরুষার্থ করতে হবে। বাকি বাবা কারোর থেকে অর্থ নিয়ে কি করবেন। তোমরা মিউজিয়াম ইত্যাদি খোলো। বাড়িঘর ইত্যাদি তো এখানেই শেষ হয়ে যাবে। বাবা তো ব্যবসায়ী, তাই না! তিনি হলেন শেয়ারের দালাল। তিনি দুঃখের শৃঙ্খল মুক্ত করে সুখ প্রদান করেন। এখন বাবা বলছেন, অনেক সময় অতিক্রান্ত হয়ে গেছে, অল্পই বাকি আছে --তোমরা দেখতে থাকবে, অনেক বিপর্যয় হবে। আচ্ছা!

মিষ্টি-মিষ্টি হারানিধি বাচ্চাদের প্রতি মাতা-পিতা, বাপদাদার স্নেহ-সুমন স্মরণ, ভালবাসা আর সুপ্রভাত। ঈশ্বরীয় পিতা ঔঁনার ঈশ্বরীয় সন্তানদের জানাচ্ছেন নমস্কার।

ধারণার জন্য মুখ্য সার :--

১ ) ট্রাস্টি আর অনাসক্ত হয়ে থাক। কোনো ব্যর্থ খরচ করো না। নিজেদের দেবতার মতো পবিত্র হওয়ার পুরুষার্থ করতে থাকো।

২ ) একমাত্র সেই প্রিয়র থেকেও প্রিয় জিনিসকে (বাবাকে) স্মরণ করো। যতটা সম্ভব কলিযুগী বন্ধনকে হালকা করতে থাকো। বন্ধন বাড়িও না। তোমরা সত্যযুগী দৈবী সম্বন্ধে যাচ্ছ, এই খুশীতেই থাকো।

বরদান :-- নলেজফুল হয়ে সর্ব ব্যর্থ প্রশ্নকে যত্ততে স্বাধা করে নির্বিল্ল ভব

যখন কোনো বিঘ্ন আসে, তখন কি বা কেন -- এমন অনেক প্রশ্নে চলে যাও তোমরা, প্রশ্নচিত্ত হওয়া অর্থাৎ চিন্তিত হওয়া । নলেজফুল হয়ে যন্ত্রণতে সর্ব ব্যর্থ প্রশ্নকে স্বাহা করে দাও, তাহলে তোমাদেরও সময় বেঁচে যাবে আর অন্যদেরও সময় বাঁচবে । এতে সহজেই নির্বিঘ্ন হয়ে যাবে । দৃঢ় বিশ্বাস (নিশ্চয়) আর বিজয় হল জন্মসিদ্ধ অধিকার -- এই গর্বে থাকো তাহলে কখনোই বিচলিত হবে না ।

স্লোগান :-- সর্বদা উৎসাহে থাকা আর অন্যদেরও উৎসাহ দেওয়া - এটাই হল তোমাদের অক্যুপেশন (কাজ) ।

ব্রহ্মা বাবার সমান হওয়ার জন্য বিশেষ পুরুষার্থ

ব্রহ্মা বাবা যেমন সदा প্রেমমগ্ন (লাভলীন) স্থিতিতে থেকে "আমিহ্ব" ভাবের বৃত্তিকে ত্যাগ করেছিলেন, সকলকেই বাবার প্রতি আকৃষ্ট করেছিলেন । এমনই বাবাকে অনুসরণ করো । জ্ঞানের আধারে বাবার স্মরণে এমনভাবে বিলীন হয়ে থাকো, এই স্থিতিই হল প্রেমমগ্ন স্থিতি ।